



Broj: 05/2-11/3-921-2/24
Velika Kladuša, 18.07.2024. godine

Na osnovu člana 69., člana 70. i člana 72. stav (3) tačka a) Zakona o javnim nabavkama BiH („Službeni glasnik BiH“, broj: 39/14 i 59/22) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu konkurentskog postupka za nabavku kancelarijskog materijala za potrebe Općine Velika Kladuša – sukcesivna isporuka, Općinski načelnik Općine Velika Kladuša, donio je

ODLUKU
o dodjeli ugovora drugorangiranom ponuđaču

1. Stavlja se van snage Odluka o dodjeli ugovora broj: 05/2-11/3-921/24 od 26.06.2024. godine, te se ugovor o javnoj nabavci kancelarijskog materijala za potrebe Općine Velika Kladuša – sukcesivna isporuka, dodjeljuje drugorangiranom ponuđaču **DEFTER d.o.o. Sarajevo, sa konačnom cijenom od 14.400,00 KM bez PDV-a.**
2. Po pravosnažnosti ove Odluke Ugovorni organ dostavit će na potpis prijedlog ugovora izabranom ponuđaču.
3. Ova Odluka dostavlja se svim ponuđačima u postupku javne nabavke, u skladu sa članom 71. stav 2. Zakona o javnim nabavkama i objavit će se na službenoj web stranici Općine Velika Kladuša.

O b r a z l o ž e n j e

Na osnovu Plana javnih nabavki Općine Velika Kladuša za 2024. godinu, broj: 05/2-11/3-889/24 od 17.04.2024. godine, pokrenut je dana 14.05.2024. godine postupak javne nabavke kancelarijskog materijala za potrebe Općine Velika Kladuša - sukcesivna isporuka.

Javna nabavka provedena je putem konkurentskog zahtjeva za dostavljanje ponuda, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14 i 59/22) Obavještenje o javnoj nabavci broj: 299-7-1-1-3-17/24 objavljeno je na Portalu javnim nabavki (ejn.gov.ba), dana 15.05.2024. godine.

Krajnji rok za dostavljanje ponuda bio je 04.06.2024. godine do 12:00 sati, a javno otvaranje ponuda izvršeno je 04.06.2024. godine u 12:15 sati, što je kostatovano Zapisnikom sa otvaranja ponuda od 04.06.2024. godine. Procijenjena vrijednost nabavke iznosi 40.684,00 KM.

Komisija za javne nabavke u Zapisniku o pregledu i ocjeni ponuda broj: 05/2-11/3-921/24 od 25.06.2024. godine konstatovala je da je Tendersku dokumentaciju preuzelo 13 (trinaest) ponuđača, a da je nakon isteka krajnjeg roka za dostavljanje ponuda pristiglo 6 (šest) ponuda i to:

1. Defter d.o.o. Sarajevo, sa ponuđenom cijenom od 39.493,10 KM bez uračunatog PDV-a,
2. Library d.o.o. Velika Kladuša, sa ponuđenom cijenom od 40.124,35 KM bez uračunatog PDV-a,
3. Inter - Com d.o.o. Zenica, sa ponuđenom cijenom od 39.704,60 KM bez uračunatog PDV-a,
4. KMC d.o.o. Banja Luka, sa ponuđenom cijenom od 40.413,74 KM bez uračunatog PDV-a,
5. Tampeldo d.o.o. Velika Kladuša, sa ponuđenom cijenom od 26.999,75 KM bez uračunatog PDV-a i
6. Alatuša d.o.o. Velika Kladuša, sa ponuđenom cijenom od 39.776,40 KM bez uračunatog PDV-a.

Nakon izvršenog otvaranja ponude Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponude ponuđača Defter d.o.o. Sarajevo, Library d.o.o. Velika Kladuša, Inter - Com d.o.o. Zenica, KMC d.o.o. Banja Luka i Alatuša d.o.o. Velika Kladuša ispunjavaju formalno-pravne i tehničke zahtjeve Ugovornog organa, te su kao takve prihvatljive i mogu biti predmet vrednovanja u sistemu e-aukcije, dok ponuda ponuđača Tampeldo d.o.o. Velika Kladuša nije prihvatljiva jer kopija

ponude nije propisano uvezana tj. kompletirana na način da su listovi ponude čvrsto uvezani da se onemogući naknadno vađenje ili umetanje listova kako je definisano tačkom 4.1.6. Tenderske dokumentacije već su listovi odvojeni, bez ikakvog uvezivanja.

Članom 68. stav (4) tačka i) propisano je: „Ugovorni organ dužan je odbaciti zahtjev za učešće ili ponudu kad ponuda nije potpuna i ne ispunjava uvjete iz tenderske dokumentacije“.

E-aukcija zakazana je za 19.06.2024. godine. Nakon provedenog postupka e-aukcije 19.06.2024. godine započetog u 12:00 sati i završenog u 12:36 sati, te na osnovu Izveštaja o toku i završetku e-aukcije konačna rang lista ponuđača koji su učestvovali u e-aukciji je:

1. Library d.o.o. Velika Kladuša, sa konačnom cijenom od 13.050,00 KM bez uračunatog PDV-a,
2. Defter d.o.o. Sarajevo, sa konačnom cijenom od 14.400,00 KM bez uračunatog PDV-a,
3. Inter - Com d.o.o. Zenica, sa konačnom cijenom od 19.900,00 KM bez uračunatog PDV-a,
4. KMC d.o.o. Banja Luka, sa konačnom cijenom od 21.998,00 KM bez uračunatog PDV-a i
5. Alatuša d.o.o. Velika Kladuša, sa konačnom cijenom od 30.000,00 KM bez uračunatog PDV-a.

Općinski načelnik donio je 26.06.2024. godine Odluku kojom se ugovor o javnoj nabavci kancelarijskog materijala za potrebe Općine Velika Kladuša – sukcesivna isporuka dodjeljuje ponuđaču LIBRARY d.o.o. Velika Kladuša, sa konačnom cijenom od 13.050,00 KM bez PDV-a, koja je dostavljena svim ponuđačima u postupku javne nabavke.

Tačkom 3.1.8. Tenderske dokumentacije određeno je da dokumenti navedeni u tački 3.1.4. (lična sposobnost ponuđača) moraju biti zaprimljeni kod ugovornog organa u roku od 5 (pet) dana od dana prijema Odluke o izboru najpovoljnijeg ponuđača, u radnom vremenu ugovornog organa najkasnije do 16:00 sati, te za ugovorni organ nije relevantno na koji su način dostavljeni (lično, poštom itd).

Ponuđač LIBRARY d.o.o. Velika Kladuša zaprimio je 27.06.2024. godine Odluku od dodjeli ugovora broj: 05/2-11/3-921/24, te od dana zaprimanja Odluke do danas nije dostavio dokaze o ispunjavanju uvjeta iz člana 45. Zakona (lična sposobnost ponuđača).

Članom 72. stav (3) tačka a) Zakona o javnim nabavkama BiH propisano je: „Ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ.“

Budući da je izabrani ponuđač LIBRARY d.o.o Velika Kladuša zaprimio 27.06.2024. godine Odluku od dodjeli ugovora broj: 05/2-11/3-921/24, a do danas nije dostavio dokaze o ispunjavanju uslova iz člana 45. Zakona), kako je definisano tenderskom dokumentacijom, cijeneći naprijed navedene zakonske odredbe, odlučeno je kao u dispozitivu Rješenja.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 (pet) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvestepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

OPĆINSKI NAČELNIK
Fikret Abdić, dipl.ing.

DOSTAVITI:

1. Učesnicima u postupku, 6x,
2. Služba za upravu, društvene djelatnosti i zajedničke poslove (web stranica),
3. U spis,
4. a/a.